

PWAKO WAKUKUNYUKA

NGE IKIYE KALUNGA



Kaha Uli na kutangika ngana:

Jino Elija waku Chishivi, uze apwile . . . minavo muli vaze vatwaminenga ku Ngileyate, ambile kuli Ahave ngwenyi, Omu ayoya Yehova tu ou Kalunga ka Isalele, Ou ngweji kwimananga kumeso enyi, kakweshi kukapwa mume chipwe vula myaka yitatu eyi, kuvanga halizu lyami kaha.

Kaha lizu lya Yehova lyejile kuli ikiye, ngwenyi,

Fuma kuno, utalise kumututuko, ukaswame kumwana kalwiji Kelite—Kelite, (Ngwatondanga kuhanjika) uze ali kwakamwihi na Yotau.

Kaha chikapwenga, kaha nachikapwa ukanwenga meya amuze mumwana kalwiji; kaha Ngunawalweze makololo vakakulishilenga kuze . . .

Ngocho ayile alingile nge kutesa na lizu lya Yehova: mwomwo ayile atwaminenga kumwana kalwiji Kelite, uze ali kwakamwihi na Yotau.

Kaha makololo vamunehelenga mbolo na nyama ha chimene ha chimene, na mbolo na nyama nava na chingoloshi ha chingoloshi; kaha anwinenga meya amuze mu mwana kalwiji.

Kaha kutwala muze chasolokele, uze mwana kalwiji omine chau, mwomwo ku lifuchi kakwapwile vulako shikaho.

Kaha lizu lya Yehova lyejile kuli ikiye, ngwenyi,

Katuka, kaha uyenga ku Zalefwate, lize lyapwa lya Shitone, kaha ukatwamenga kuze: tala, Ngunalweze pwevo wa tuliwe akakulishilenga kuze.

Ngocho akatukile kaha ayile ku Zelefwate. Kaha omu ahetele kuchikolo cha limbo lize, tala, kumana kwapwile pwevo wa tuliwe apwile na kuhokola jitete: kaha amusanyikile ikiye, kaha amwambile ngwenyi, Achingunehелеko, Ngunakulembelela, tumeya mumulondo, mangana Ngunwinga.

Kaha ikiye omu hakuya nakuwasaka, ikiye amutambakanyine ngwenyi, kaha ngwenyi, Achingunehелеko mwane, Ngunakulembelela, kachihanda ka mbolo mulivoko lyove.

Kaha ikiye ngwenyi, Omu ayoya Mwata Kalunga kove Yehova tu, Kangweshi na kamboloko, kuvanga mukamo waunga mu mulondo, kaha natumaji twatundende musaji: kaha, tala, Nguli nakuhokola tutete tuwali, mangana ngwingile Ngulisungilewo ami na mwanami, mangana tuliyenga, kaha hikufwa.

Kaha Elija amwambile ngwenyi, Kanda wivwa womako; yako ukalinge nganaomu unambe: oloze vangila kungusungilako ami kambolo chatete, kaha neha ize kuli yami, kaha numba ulisungile ove... na mwanove.

Mwomwo Yehova Kalunga ka Isalele, Nambe ngwenyi mumulondo unga kaweshi kukahwamoko, kaha musaji maji kaweshi kuka tepulukamoko, palanga na ku likumbi lize mwakatuma Yehova vula hamavu.

Kaha ikiye engilile alingile nge kutesa na lizu lya Elija: kaha ivene, na ikiye, na vakuzuvo yauze pwevo, valilengamo makumbi amavulu.

Kaha mumulondo uze unga kawahwilemoko, kaha musaji yize ya maji kawatepulukilemoko, kutesa na lizu lya Yehova, lize ahanjikile muli Elija.

Kuhanjika cha chimene chino, shimbu kanda kuya kusali yatulunga lwiji, Ngunasakula mutwe wachihande, wa echi: *Pwako Wakukunyuka Nge Ikiye Kalunga.*

² Kaha jino, Mwata, kisula Lizu Lyove nge Omu lili nakuya, kaha echa Shipilitu Wajila akwate michima na vishinganyeka vyetu, na kutuwahisa etu ha kutambukila Chenyi, nge omu tunamulombo Ikiye kwiza. Mwomwo katwejile ku zuvo ya Mwata mangana vatumoneko, mokomoko kumona, oloze kulinangula Ove, na kutachikiza chisemwa Chove, na jila Yove, na kusaka Chove, mangana etu tupwenga nakuhasa kulihumangana na namaukalu amuchiyoyelo, na kukunyuka chivene, kupwa wakukunyuka nge ikiye Kalunga. Tuhane echi, Mwata. Mu Lijina lya Yesu twachilombo echi. Amena.

³ Chinapunga chimene chachinene. Kunapunga kwazumanga chikuma na lukungu, kaha vathu vapwanga mujijila, kufwa zala, kaha hamavu hazumanga chikuma hakulizananga lyehi kuwema. Vyosena vya pwanga kusolola jishili javo na vilinga vyavo vya kupola.

⁴ Mwamono, Ahave apwile na kuyula mu—mu Isalele, ha lwola luzu, mokomoko hali va Isalele, kaha apwile wakupihisa chikuma hali va myangana vamu Isalele. Kakwapwile mwangana wakupihisa nge Ahave ko, mwomwo ikiye, hakupwa wakunangula kaha atachikijile chikuma, ikiye ahonene kutwalilaho kuhona kumuwwisa kuwaha Kalunga muvyuma vyosena vize ikiye alingilenga. Chipwetuhu apwile najila yayinene ya maswalale, kaha vathu vapwile vakufukila chikuma

mulwola lwa kuyula chenyi, oloze, chipwengocho, ove kachi unahono kumuwvisa Kalunga kuwaha kaha naushinganyeka kutwalilaho na kushimbula nenyi.

⁵ Kahajino, muwenga wenyi, kachi ambate mukachi kavathu jenyi, ikiye ayile na kumbata muka shili, muka makombelo, mukakulifukula makombelo. Ikiye ambachile Yezevele. Kaha ikiye kapwile muka kufwelela ko.

⁶ Kaha muka kufwelela naumwe pimbi atela kumbata muka kuzeneka kufwelela, chipwe chipwenga ngachilihi. Atela lwola lwosena kumbata muka kufwelela.

⁷ Oloze Ahave alingile lupi kana. Kaha kukakasana chauchiho oloze Yezevele apwile pwevo wa mwaza. Kaha ikiye alimbukilile hali muze asolokele, kachi omwo ikiye apwile. Chize, shikaho vathu vavavulu veji kuseukanga nakulinga chochimwe nalelo.

⁸ Kaha ikiye anehela makombelo mu lifuchi, hakachi ka vathu. Kaha vaze vathu, vaze tupilishitu, vakakuzata javo, vaholokele nakupwa vasamilonga kukufwila cha likungumbuwa.

⁹ Kaha echi chinapu chifwanyisa vene cha lifuchi lyetu lelo. Etu tunaholoka ha kufwila cha likungumbuwa. Na kukakasana chauchi vaze tupilishitu vashinganyekele nge echi nachiya nakupwa cha kwoloka, chikalu kaha fulumende yavo ngwayo eyo. Oloze Kangwazakama nge fulumende ngwayo eyo, echi chatela kupwa eyo ya Kalunga. Kaha vathu vashinganyekele nge nachiya nakupwa cha kwoloka nge navakundwiza na muvyuma vimwe vyavo vya mukaye.

¹⁰ Kaha umwe nahase kunguhula yami kulandula ovyo Ngulinahanjika hano, ngana nge chinapu chifwanyisa cha likumbi lya lelo. Etu tunahase pamo kushinganyeka ngwetu katweshi vaka kulifukula makombeloko, oloze twapwa. Kaha fulumende yinetavila echi. Vathu lelo vapwa vaku kulifukula makombelo, mwomwo vakiko—vakiko veji kulifukula makombelo. Vamwe veji kulifukula vatanganyika va kwenda, kupwa makombelo. Vamwe veji kulifukula ku jimbongo, kupwa makombelo. Kaha vamwe kulifukula vatanganyika va havisaji ja miwvimbimbi, kupwa makombelo. Oloze chuma chosena muhaka kulutwe lwa Kalunga chinapu likombelo, echa chipwenga kala chuma.

¹¹ Naivene Satana, uze mukakole wetu wamunene, apwa umwe wautongwe, palanga nomu ikiye mwahaka, lwola lumwe, na liuka kumeso a Kalunga. Ove unahase kupwa na liuka lyalinene. Pamo yinahase kupwa zuvo yayinene, mokomoko pamo chinahase kupwa chikungulwilo chachinene. Kaha, cheka, pamo chinahase kupwa kulikungulula chachinene, oloze kanda chumachimwe nachiza kumeso a Kalunga, mumuchima wove. Kala chuma kumeso a Kalunga, chili likombelo.

¹² Kaha ava vathu vatachikijile nge kaveshi cheka mushipilitu nge omu vapwilenga nakupwa, omu vapwilenga mukuyula cha

va myangana vakwavo. Kaha vakiko vashinganyekele, hakupwa kaha vakiko vapwile lifuchi lya vakulifukula, ngana nge vyuma vyosena naviya nakupwa vya kwoloka. Kaha eyi ikiko jila tunezamo etu nakuheta kuchihela kana nawa.

¹³ Tukweji vamwe kunyima Ngwapwile nakuhanjika kuli sepa lyami umwe wamwaza. Kaha ikiye ngwenyi, “Ndumbu walunga Branham, Ngwafwelela ngwami unakuwashindakananga chikuma va United States nakuvashikumwisa.” Ikiye ngwenyi, “Ove lwola lwosena uli nakukumbwoka ha shili na omu Kalunga mwakaya nakuzangamisa lino lifuchi.”

¹⁴ Ngwambile ngwami, “Ikiye atela kulinga chize, mangana apwenga wa kwoloka.”

Ikiye ngwenyi, “Oloze, Ndumbu walunga Branham, ove una vulyama nge lino lifuchi valiwanyine hachikuku cha Visoneka. Kaha vakakuluka jetu vejile hano, kaha Kalunga atuhanyine elu luheto. Kaha etu twapwa lifuchi lya kulifukula.”

¹⁵ Ngwambile ngwami, “Chili muchano, vyosena vene. Kaha naumwe atachikiza omu Ngweji kusakwilinga lino lifuchi! Oloze, tala, ndumbwami walunga, Isalele na ikiye apwile wa kusakula kuli Kalunga, kaha Ikiye atumine tupolofweto na vindume ja malunga. Oloze Kalunga keshi kwimana na shili ko. Ikiye alingishile Isalele kwaha linona lyosena vakuvile. Kaha kachi Ikiye alingishile Isalele kwaha ocho ikiye akuvile, Ikiye mwatulingisa netu kwaha ovyo twakuvile. Ikiye kamwena vathu mweka na mweka ko.”

¹⁶ Kaha etu tunakuheta naha chihela cha kushinganyeka nge mwomwo etu tulina kunokela hali vize vakakuluka jetu valingile, mokomoko hali vaze vavanene vaputukile mauka etu, chize kuli hana chavo chapwile kuli Kalunga, chapwile cha kwoloka kaha tuna chisakwilila chikuma, oloze etu katweshi kufumisa ulwilo muli vize valingile vakiko! Ulwilo unapu wa muthu ukawenyi wa hakapanji na Kalunga. Keshi na lifuchi lyetu, na liuka lyetu, oloze etu vavene kumeso a Kalunga, etu natukumbulula.

¹⁷ Echi chinahete nahachihela mu lifuchi lyetu, palanga nakwingila namukachi kava vathu chikumanyi vakashipilitu ava tuli navo, ove nauya kuli malunga na mapwevo vakashipilitu, kaha nauwana mumichima yavo muli chuma chimwe vanahono.

¹⁸ Etu tunapunga, mujiwiki jajindende jinahichi, Ngunapunga nakuya nakuhita ha vyuma vimwe evi, kaha kuwana nge muli malunga vamwe vaze Ngwashinganyekele kupwa hakachi, oloze Ngwawawanyine vali na kuzamisa ha vyuma vya katando kakandende, kuya nakujinguluka na kuhanjika, “Kalunga anguhane chachinene cha *mungaji na mungaji*. Kalunga anguhane . . .” Enu muli na kulitukujola.

19 Vyuma vyavinene vya kukwatakwata kavyavula kuhwimina mupunga ya Kalunga. Kalunga eji kulingisa vula kuholoka hali vaka kwoloka na hali vaka kuzeneka kwoloka. Oloze kaye kanatondewa lelo keshi lufwelelo lwa kulitukojola, kweseka kulitukujola ove lya vene mu chuma chimwe kaha nachisanyika echi kupwa chashipilitu.

20 Lwola lumwe lufwelelo lweji kulinga vikomwesa vyavinene, olozenyi kavyeshi na kufuma mumuchima wa shipilitu ko. Keshi Mwata ko ambile ngwenyi, “Vavavulu navakeza kuli Yami, likumbi lize, na kuhanjika, ‘Kumana Kangwalingile echi na *chize*, mu Lijina Lyove?’ Kaha Nangukamba kuli vakiko, ‘Fumenu kuli Yami, enu vakakuzata mwa upapwoke.’” Upapwoke chuma muka? Chapwa chuma chize ove una tachikiza kulinga mwakwoloka kaha ove kawachilingako. “Kangwami tachikizako enu,” Ikiye mwakaya nakuhanjika. Kaha tuli nakuyoyela mu likumbi kana.

21 Chuma etu lelo tuli na kutonda keshi vyuma vya kukwata kwata. Etu tuli nachize. Etu katweshi na kutonda mauka amanene. Etu katweshi na kutonda vikungulwilo vya vinene. Etu katweshi nakutonda chikuma kupwa ha chisaji na chisaji cha miwvimbimbi. Etu katweshi nakutonda vyuma vyavivulu chekako. Oloze chuma etu tuli nakutonda lelo, kupwa mushipilitu, muthu uze mwapwa wa kuli kehesa vavene kumeso a Kalunga, kachi kaveshi na penyi, kaha mwalomba palanga ize shipilitu mukachi kenyi mwasuuluka na kuwaha cha Kalunga, kaha kuhizumuka nachisoloka mukachi ka muchima wavo, chize na chalumuna vilinga na kupwa cha muze vali vakiko nakuyoyela.

22 Ove unahase pamo kuhona kupwa na mendelo kumahinji ove, ove unahase kuwvala malambu, oloze chuma chimwe mumuchima wove kwimba myaso ya Kalunga. Chamwaza yami kupwa nachize kuhambakana mbongo mukaye.

23 Shikaho ove kaweshi kwamba ngwove vyuma vya kumujimba lwola lwosena vinapu chinjikizo chaku kisula cha Kalunga. Ndavichi ahanjikile chize kuli Mwata, ngana nge namono vakakupihisa kutanduuka ngana. . . nge mutonda waunene wa kuchana. Oloze Kalunga amuhulile ikiye, “Kutala wamuningilile ikiye na kusongo?” Chipwetuhu omu etu natuwvala mahina amwaza, omu natulya ngachilihi, chize keshi chikiko nachiya Kumeso a Kalunga ko. Ou mujimba ou tuli etu tulimo, weji kunonga, chipwetuhu ngachilihi natuulama kanawa. Oloze uli uze mwono uli muli muthu; chili chiyoyelo cha shipilitu uze ali nakutambuka Kumeso a Kalunga wa kuyoya.

24 Oloze etu tweji kumbata vyuma nachijililo. Etu tweji kushinganyekanga chize nge mwomwo etu tunapu lifuchi. . . Shikaho mukiko na Ahave nava Isalele vosena nawa, muli lize likumbi, vambachile vyuma nachijililo, nge vyosena vili vya

kwoloka. Tupilishitu twavo na vaka kunangula javo vesekele kuvalweka vakiko, “Vyosena vili kanawa. Vyuma vyosena vili kanawa.” Oloze vapwile naumwe, ikiye atambakanyine hali cha kuhenga chimwe, mwomwo ou umwe atachikijile nge Kalunga wakujila kahashile kusuuluka ko na vilinga vya vakutona vya kulifukula cha kujiluluka.

²⁵ Shikaho mukiko apwa Kalunga wa Mwilu hanga emana mwomumwe chochimwe na lelo. Mu jingolo jetu josena na vyuma vya vinene tuli etu na kweseka kulinga, Kalunga keshi kahasa kwiwva kuwaha kusali ya chiyoyelo cha kujilikiwa kumeso a Ikiye.

²⁶ Etu tunahase kutunga ma shikola, na vihela vya kujila, na jimbakala. Etu tunahase kupwa na mazavu. Etu tunahase kulinga vyuma vyavinene, olozenyi Kalunga keshi kuhasa kusuuluka palanga mwono wa muthu naupwa wa kujilika ku kamenga ka Kalunga, wakujilikiwa kumulimo wa Kalunga. Kaha ove kaweshi kuwana chize chekako.

²⁷ Enu namumona kuli wana chetu chakulomba cha kuzeya, muwana kulomba pamo mumunyutu kaha, kutumbukila ha kahela. Etu tunawane nge chize chinahase kusoloka kamwe chipwe kavali ha likumbi. Omwo, etu vosena tuna mulonga. Lifuchi lyetu, kuhona kalemesa, lili na kupola. Etu tuli na Billy Grahams na Oral Robertses kwosena. Oloze kuvanga kwizenga lipwila mu kachi kamuchima wa America, kuneha cheka Kalunga wa kuyoya, ku kuyoya cha ngolo, ku lufwelelo lwakuzeneka kufwa muli Kalunga wa kuyoya, etu tuli kaha na kuveta mawongo etu, nge omu navachamba, kulovoka.

²⁸ Etu tunahase kutambuka na thulo jetu jakulovoka, na makola etu akuhilwisa kunyima, na kutambuka mujila, nakufwila kutasanyika “Ndotolo” mokomoko “Wamulemu.” Etu tunahase kufunga mauka amanene ali hano hamavu, kaha tunahase kupwa va mwaza nge omu tunahashila kupwa, chize nachihonesa chipwe muthu umwe kuhaka munwe ha chiyoyelo chetu. Oloze kuvangila uze mwono uze uli mukachi ketu naupwa ha kakahya mwomwo ya Kalunga, kuvangila chuma chimwe muli chize, chize na chipwa na kutonda Ikiye! “Nge uze kapaji mwalaha na kutonda meya mu mwana kalwiji, mwono wami unakuwvila pwila Ove, Ove Kalunga.” Kuvanga etu natutambula chize chifwanyisa cha jize ngolo!

²⁹ Shikangaho, kupwa mumwe, na vyangocho, navahasa nge omu vali vakiko nakulinga, kaha kulinunga josena natulinga etu kavyeshi kuhasa kuvemika vakiko. Echi vana chipolofweta kwiza. Oloze Kalunga ali nakusanyika Liuka Lyenyi.

³⁰ Omwo ou pwevo apwile nakumika chochimwe na Elija! Mwomwo, kakavulu vilinga vyove vyeji kusolola omwo wapwa. Kaha, cheka, ikiye vanamu sakula kulama kapolofweto ka

Kalunga. Anukenu, ikiye apwile Mukamafuchi eka naeka, keshi Kayuleya ko.

³¹ Kaha lifuchi lya pwile nakuwema. Kaha kukakasana chauchi uze pwevo wamundende, kupwa nachize kumika, kupwa muyachi wa muka kufwelela. . . Mwomwo twamono nge Kalunga keshi kamusanyikile ikiye ko, kachi ikiye kapwile umwe wa kutela ko kulama kapolofweto wa Kalunga. Mwomwo kachi Ikiye kahashile kutuma kapolofweto Kenyi ku zuvo ya kuzeneka kutela.

³² Echi kachapwile kusakula chenyi ko. Echi chapwile kusakula cha Kalunga. Echi kachapwile ikiye kumukoka ikiye ko. Echi chapwile Kalunga kumukoka ikiye. Ikiye amuhakile kumwana kalwiji. Vaze makololo vamulishilenga ikiye. Oloze echi chapwile kuhanjika cha Kalunga mangana chuma chimwe chisoloke. Kaha punduvene Kalunga ayile kuli muka kufwelela wa chisemwa chochimwe na Elija.

³³ Ikiye apwile pwevo wa tuliwe. Kaha etu vosena tunatachikiza ikiye, pwevo wa tuliwe, omwo apwile na kuhita, na lunga lyenyi wakufwa kaha kukulisa kanyike walunga.

³⁴ Kaha mumafuchi avo kuze, vakiko vakundaminyinenga ha jimbutu javo. Vakiko kavapwile na jipololekiti nge omu tuli najo etu lelo, na—na mitondo ya kuinga. Vakiko vakundaminyinenga ha jimbutu javo. Kaha mwomwo upapwoke wa vatu, na kupola cha kuzeneka kalemesa, china nehe changa mu lifuchi, hano vakiko vapwile na kuhona kulya na kufwa.

³⁵ Kaha jino etu tunawene ngana nakukakasana chiku ikiye nalombo kufuma ha ufuku na haufuku, ufuku wosena, omu aputukile kumona mumbango unga uli na kushikumuka, kushikumuka, kushikumuka. Kaha kuheta na seteko ya mwapwile na chipwetuhu na wa kuzalisa lupasa lukwavo muze mumulondo wauchi. Twose apwile natwo shina twatundende twamulivoko. Kufwa chapwile nakwiza vene mu wingililo, ku chikolo chenyi. Mwomwo kakwapwile jila ya kuwuwana chipwe kumweko. Lifuchi lyosena lya honene kulya.

³⁶ Kaha, aze maji, apwile shina nguto kaha twatundende muzaji. Tumaji tupwahaze na tuunga tupwahaze mukachi ka ikiye na kufwa. Ikiye atelele kupwa wa kushishika ha malombo eyi. Enu echenu chize chihete kuzuvo yove, echi nauhasa kupwa wakushishika chikuma chindende kuhambakana omu tuli chimene chino, omwo tunejiva ngana nge kufwa chili kuchikolo.

³⁷ Kaha Ngwafwelela, pamo, etu natushinganyeka, hamonono, echi, nge ikiye nalombonga ufuku wosena wausuku, likumbi limwe lya ujishile echi. Ikiye ahashile kutala ha kutomonoka mivumbo ya uze kanyike wa lunga wamundende wa pamo myaka kafwe yitatu chipwe yiwana kufuma hakusemuka chenyi. Kaha ikiye ahashile kumona na vifuwa vyenyi kulovoka, omu nyama

yapwile na kufuma hali vakiko. Kaha echi chatelele kupwa chuma chachikaluu, nge omu naye, kumona vyuma omu vili nakuya. Kaha, jinonyi, na mavoko kumeso a Kalunga, kulomba ufuku na musana, “Jino tuli nakushikumuka ku livoko limwe lya unga na nguto ya maji.”

³⁸ Enu munejiva, echi hichuma chaungeji. Echa Kalunga echa echi chingile muli umwe wosena ali muno wayenu, kachi kamweshi kangwivwa cheka yami kunangula. Echa ou upwenga mujimbu. Echi chili chaungeji, chaungeji chikuma, ngana lwola lumwe Kalunga eji kulinganga vyuma vimwe mujila ize.

³⁹ Enu munatachikiza, nge natwitavila jishili jetu na kupwa na vyosena vize Kalunga ali nakutonda. . . .Etu twafwelela hali Kalunga. Kuli ukalu umwe twatela kuli wana nawo, kaha naupwa kutesa na muchima Wenyi. Kaha etu na twitavila jishili jetu, kaha nakuhenga chosena chize etu twalingile, chakwoloka, kulinga vyosena vize tunejiva etu tunatachikiza mwakuchilingila. Kutondewa chosena chize Kalunga nalingi, mokomoko kuhulisa, etu tunalihumangana na vize atonda, oloze Ikiye mwahole kulu. Ikiye keshi kuhasa kutukumbulula etu ko.

⁴⁰ Yami ngunakunyuka ngana nge Yami ngunakuhanjika kuli vathu, chimene chino, vase vaneza kuchihela chize. Ngunapunga kuze, lwola lwaluvulu, yami lyavene. Omwo Ngwayile kunyima kuhituluka muchiyoyelo chami na kwalumuna lilolwa lyosena, kaha Ngwawanyine ngana nge ngwalingi chuma chimwe chachipi, Nanguya na kukwitavila echi kaha ngwami, “Mwata Kalunga, Nanguya na kucholola,” na kuya nakulinga ngocho. Kahajino kwiza cheka na kwamba, “Jino, Mwata, Ove u Kalunga; Ove nauya na kungukumbulula yami. Punduvene Ngwalingile mwsosena muze walombebe ove yami kulingamo. Kaha vyose watondanga, Ngunachilingi echi.” Kaha chochimwe Ikiye keshi kutambukako, chasoloka kupwa wakulu, muze jino enu mwatela kupwa wa kukunyuka nge Ikiye Kalunga. Kanda nava kakufutwisa. Chuma chimwe kaha chili, chize, mu muchima wove, pwako wa kukunyuka nge ikiye Kalunga.

⁴¹ Mutwe wami. Pwako wakukunyuka, chatete, shimbu kanda ulinge chuma chimwe. Pwako wakukunyuka, mu muchima wove, nge ikiye Kalunga. Kaha nge unalingi vyosena vize Ikiye ambile, kahajinonyi ove naukunyuka ngana nge Ikiye Kalunga, chize chikiko nachilingisa lufwelelo kuya nakuzata, haze vene. Lufwelelo lweji kwimananga mbe, mwomwo lwa tachikiza Ikiye vene.

⁴² Kaha ove naulinga vyosena vinakutondewa. Ove mufwelela ngana nge Ikiye vene, kaha lufwelelo nalukwachilila na kuzama mbe. Mamalelo, va kisule Lijina Lyenyi! Lufwelelo kalweshi kutambukako, mwomwo lwakunyuka nge Kalunga vene, kaha mukakufweta vase vaka kumusakasaka Ikiye.

⁴³ Echa evi viyenga vishikumuke nakujiminyina kaha kanda vifuma muli oveko, Mbalaka ya Branham. Kachi ove unalingi vyuma natondo Kalunga, kaha mumuchima wove wa fwelela ngana nge Ikiye vene, Kalunga ali kaha nakweseka lufwelelo lwove, mwomwo Ikiye azanga kulinga chize. Ove unakwitavila shili jove kaha unalingi vyosena vina kutondewa ove kuli Kalunga, kaha Ikiye hanga wakulu, anuka, lufwelelo ngwalwo Ikiye vene. Kahajino lufwelelo lweji kukwachilila kuchikiko, kuhona kutachikiza echi chuma chuma muka, oloze chinatachikiza nge Ikiye vene, kaha chili cha kukunyuka nge Ikiye vene.

⁴⁴ Kahajino, anuka, kachi Ikiye vene, Mazu Eyi apwa amuchano. Kaha kachi Ikiye atondele ove kulihumangana nawa maukalu, kaha ove walingile, Ikiye ali wakukashiwa kumbata na kuzakamina Lizu Lyenyi. Kanda kukinduluka kunyima, nakwamba ngwove, “Chamwaza, Kangwayoyeleko. Ngwa...” Mamalelo, ove wakuhutwa, lufwelelo lwa kuzeya. Kanda kufwelela chizeko. Kachi vyosena vana vikonekela, kaha vyuma vyosena vyahichi, kaha ove unalingi mwanatondo Kalunga, kaha lufwelelo nalukwachilila haze vene. Kakweshi chuma chimwe na chinungulula echi. Ikiye vene, kaha ove uli wakukunyuka. “Vaze veji kuvandaminanga hali Mwata nava katungulula ngolo javo; vakiko navakajindama na mavava nge a ngonga. Vakiko navakalaha kaha kaveshi kazeyako; kachi navakatambuka, vakiko kaveshi kazeyako.”

⁴⁵ Vandamina, nge unalingi omwo Ikiye natondo. Chize chikiko cheji kunehanga lufwelelo lwove kusoloka. Kachi ove unalingi...lyehi kusaka chaKalunga chinalingika, mokomoko kulingika, kaha ove unachilemesa mwosena mukuzalilila, kaha ove unalingi vyosena vize Kalunga natondo ove kulinga, kahajino lufwelelo lwove nalunokela haze vene, nge Ikiye vene. Pwako wa kukunyuka nge ikiye Kalunga.

⁴⁶ Munatachikiza, Ikiye azanga kutweseka etu. Ikiye azanga kumona kuzata cha lufwelelo lwove. Enu munatachikiza ocho? Kalunga azanga kumona omwo nauya na kulinga. Omwo mwamba ngwavo, “Ove Mwata, Ngwa kufwelela Ove. Ove wapwa Mulwilo wami. Ngwafwelela nge Ove wapwa Mukakuka. Ngwafwelela nge Ove yove Umwe Eji kuhananga Shipilitu Wajila. Kaha na vyuma vize Yami nguli nakutonda, Ove yove Kalunga Weji kuhananga chize,” Kaha jino nge omwo ove nawitavila jishili jovo josena na kumushika Kalunga ovyo nauya nakulinga kachi Ikiye mwaya nakukulingisa kupwa wakulikangula, kaha jino mwomwo kacheshi kusolokako, ove hinauchina nge mukawoma kuchinyina kumwe. Kalunga keshi kuhasa kuzachisa chizeko. Kakweshi jila yimweko Ikiye kukuzachisa ove. Kakweshi jila yimweko Ikiye mwaku kukumbulula ove, mwomwo Ikiye eji kukumbulula na lufwelelo. Kahajino, vyosena mukukasumuka kaha, ove nauya, kaha Ikiye

keshi kuhasa kukumbulula. Oloze muchanouve, lufwelelo lwa muchano lweji kwimananga, kupwa lwa kukunyuka ngana nge Kalunga ikiyevene. Pwako wakukunyuka ngana nge Ikiye vene.

⁴⁷ Kaha nge Kalunga mwolomba nge echi chuma chatela kulingika, kukwitavila jishili jove, na vyangocho, kaha ove unachilingi echi, lufwelelo ngwalwo ngana nge Ikiye vene, echi chili kukunyuka nge nachiya na kusoloka. Kulomba chove navaya nakukuhanacho. Mamalelo, Ngwa—Ngwafwelela kamweshi kuhona echi ko. Kachi ove una kunyuka nge Kalunga, Kalunga ali wakukunyuka ha Lizu Lyenyi. Ikiye ali kaha nakuvandamina kukweseka ove.

Ikiye nachilinginga kakavulu. Echeni tuhituluke muvihande vya ngana chimwe mokomoko vivali.

⁴⁸ Echeni tushinganyeke hali vana vava Hepelewu. Vakiko kavatelele kunongama kuli kombelo ko. Kalunga apwile na lufwelelo muli vakiko. Kaha omwo vakiko vewvile nge vakiko vatelele kuya kulilungu lya kakakhya, vakiko ngwavo, “Kalunga Ketu nahase kutufumisa muli lize lilungu lya kakakhya. Oloze kachi Ikiye mwahona kuchilinga echi, etu katweshi kuhasa kunongama kukala makombelo enu.” Talenu, vakiko vapwile vakunyukile na wakukunyuka nge ikiye Kalunga.

⁴⁹ Vakiko vatachikijile nge Ikiye apwile Yehova. Vakiko vatachikijile nge Ikiye eji kukumbulula kulomba. Oloze chipwe Ikiye Mwachizata muchihande chavo, mokomoko nduma, echi nachipwa chakuneha kuwaha. Shikaho vakiko vahanjikile kaha, vali konekelele jishili javo, kaha vatambukile nakuya mukufwa.

⁵⁰ Omwo vakiko vapwile na kuya mulilungu lya kakahya, kwijiva nge vakiko vapwile wakukunyuka, nge, kachi Kalunga mwavecha vakiko vaweme, Ikiye mwakaya nakuvasangula cheka, muze mukusanguka. Vakiko vapwile wakukunyuka nge ikiye Kalunga, mwomwo vakiko vatachikijile nge Kalunga mwaya nakuzata vyuma vyosena na kuneha kuwaha kuli vakiko. Kaha nge etu tunakunyuka nge ikiye Kalunga, etu tunejiva ngana nge Kalunga azata vyosena vya kuneha kuwaha.

⁵¹ Shikaho, vakiko vahanjikile mumwe. Vakiko vapwile wakukunyuka, kaha vakiko vatambukile nakuya muze mulilungu lya kakahya. Kaha Kalunga kuvechele kutambuka nakuya muze; natwame, kutala hali vakiko. Ikiye atondele amone omwo navalinga.

⁵² Omwo, uze mwangana ngwenyi, “Enu mwafukamanga omwo luneta lwa vumanga?”

Vakiko ngwavo, “Nduma. Etu katwanongamanga.” Haze hakiko hali lufwelelo lwovo, kukwata chikuma.

“Chamwaza, jino, kachi kamwa nongamanga, enu kamwatachikizanga lushimbi lwami?”

“Eyo, etu tunatachikiza lushimbi lwovo.”

“Lushimbi lwami luli nge lutengo vatela kulutohwesa kapapa ka seveni kuzuma kuhambana nge omu lwapwanga, kaha Nanguya na kumimbila enu muze. Enu jino muli nakutonda kunongama?”

“Nduma. Etu katweshi kuhasa kunongama.” Haze hakiko hali lufwelelo lwavo.

⁵³ Kalunga ngwenyi, “Chamwaza, Nangumona omu vakiko navalinga hali chize. Nangumona omu chuma muka navazata na lufwelelo valinalwo.”

⁵⁴ Shikaho Ikiye ngwenyi, “Vakasenu kumavoko, na kumahiji avo, kaha vatwalenu kulilungu lya kakahya.” Kaha vaputukile kwenda nakuya kulilungu lya kakahya, na kakahya kumeso avo. Kalunga hanga emanyina, kutala ahali chize. Oloze vakiko vapwile va kukunyuka nge Ikiye apwa Kalunga. Vakiko vahashile kukwitavila. Vakiko valingile vyosena vya kwoloka, vize vakiko vatachikijile. Vakiko vapwile va kukunyuka nge Ikiye apwile Kalunga.

⁵⁵ Shikaho vakiko vatambukile na kuya kuze kulilungu lya kakahya. Haze vene kusongo ya luze lwola, ikiye hi mwaza ha kavalu kufuma mwilu, ha litemba lya peho, kuhuhwilamo peho yituta muli vakiko, shimbu Ikiye ava vendejekelenga vakiko na kuhanjika nava vakiko.

⁵⁶ Kalunga echa lufwelelo lwenu lwizenga na kuheta na haze naluzata.

⁵⁷ Kwapwile uze Yopa, waku Tesitamende ya Mwaka, omwo Satana, uze mukakutuhana hana milonga, amuvangijikilile ikiye kupwa muka shili wa kupenge. Oloze Yopa atachikijile nge kavulumwine ko. Ikiye atachikijile nge na kwitavila vyosena vize ikiye alingile, na kuhana mulambu wa kwocha haze. Chize chikiko Kalunga atondele. Chize chikiko kaha Kalunga atondele, chapwile mulambu wakwocha na kwitavila. Kaha Yopa alingile vyuma vyosena.

⁵⁸ Kaha Satana ngwenyi, “Nanguya nakumbata vangamela jenyi, mwomwo ikiye muthu wa luheto. Nanguya na kumbata mukoko wenyi.” Kaha makumishilo ikiye ambachile na vana venyi, vaze vapwile kwakamwihi mwihhi na muchima wenyi.

⁵⁹ Chochimwe, Yopa hanga azamina mbe, mwomwo ikiye atachikijile uze Kalunga, chamwaza, ikiye apwile wa kukunyuka nge Ikiye Kalunga, mwomwo ikiye ahanjikaho lyehi na Ikiye, kaha ikiye nahetesa muze Ikiye atondanga. Ikiye atondetondele na kushikumuka na kuwana nge, “Yami ngunahane lyehi mulambu wa kwocha yosena. Ngwambile mu muchima wami, ‘Pamo omwo vana vami navahana ku—ku chilika, kaha vana vami vwapwevo kupwako, pamo mwapwa chuma vana vulumuna kupenge shili mu michima yavo, shikaho Nanguya na kuhana mulambu wakwocha wavakiko na kwitavila kuhengesa chavo.’”

60 Ove Kalunga! Nge muthu mwalama omwo Kalunga ahanjika kulinga, ikiye mwapwa wakukunyuka nge Ikiye Kalunga, Ikiye kuvanga mwaya na kukumbulula. Lufwelelo na lumusanyika Ikiye kwiza hazevene, lwola lwosena.

61 Nge unazate chize unejiva nge chinoloka, nge ove unahetesa haze Ikiye atonda, nge ove unetavila na kulinga mwakwoloka, kaha unalingi mwakukinduluka, kaha na kuchihaka kumeso a Kalunga. Kangwa zakama chipwetuhu Ikiye ali wa kuhola, Ikiye hanga ali Kalunga, kuvandamina kuhaka luze lufwelelo haze. Ove unazate milimo yove, jino Ikiye ali nakutonda kumona milimo ya kufuma ha lufwelelo lwove. Ikiye ali nakutonda kumona chuma muka naukalinga.

62 Kachi ove vanakuwavisa na kukulombelela, Kalunga ali nakuvandamina kumona omwo nau chifwelela chize. Keshi kuchina nakwamba ngwavo Sondo yikwavo, kaha kuchina na likumbi likwavo, kaha mukakuka mukwavo mweza na kuhita mumbongi. Ikiye ali nakuvandamina kumona kuzata chove cha lufwelelo. Keshi kutambuka na kukinduluka kunyima, likumbi likwavo, kaha ngwove, “Ngwakwiwva kupihya chikuma, Nguna shinganyeka Ngwatambwile kuyoya.” Ove kaweshi wakutela kwimana mumukana wakulombelela, ku kuputuka. Ove kaweshi ko. Ove kaweshi ko. Ove kaweshi wakulizanga, vene. Ove kawafwelela ngana nge Ikiye apwa Kalunga. Kangwa tonda . . .

63 Ove unahase kwamba ngwove, “Ndumbu walunga Branham, Kangweshi kukwitavila ove ko.” Vilinga vyove vivene navinjikiza wapwa uhiya. “Ha mihako yavo ove hakiko naukavejivila vakiko.” Kachi nge muthu mwamba ngwenyi ikiye ali Mukakulishitu, kaha ikiye chanwa wala, na makanya, na kusekasaka chakuhenga, kaha mwambululanga vyakusehesa vya majilo, kaha ngwenyi, “Chihanda chimwe cha Mbimbiliya cha kwoloka, chihanda chikwavo nduma,” ikiye nahase kwambulula Mujimbu wamwaza, kaha na kukana chihanda chimwe cha Mbimbiliya, ikiye hanga ali muka shili. Ikiye keshi wa kwoloka ko, vene.

64 Oloze omwo ove mwiza hatoma na kwitavila ngana nge Kalunga ali youmwe Kalunga, na kuhaka chiyoyelo chove muli voko Lyenyi, kupwa, “Mwata, Yami ngu ndambo; Ove wapwa Utengi,” kahajino lomba kala chuma musaka. Lufwelelo kalweshi kahasa kwenda. Lukiko nalukemana haze vene kunahu.

65 Chipwe maukalu nawa soloka kufuminyina ku chimoswe chipwe kuchilyo, oloze luze lufwelelo kalweshi kwenda ko, mwomwo ove una kunyuka nge Ikiye apwa Kalunga. Kaha kachi Ikiye apwa Kalunga, Ikiye alama lushiko Lwenyi. Ikiye keshi kuhasa kutunga lushiko na kuluhokola. Kachi apwa Kalunga,

Ikiye atela kulama lushiko Lwenyi. Mamalelo, Ngwazanga chize. Ikiye atela kutwama na chize.

⁶⁶ Yopa awahishile mulambu wenyi; ikiye alingila vyosena. Ikiye atachikijile nge apwile wa kwoloka. Kaha hano jino va membala va liuka hinaveza, na mauka amwe a vikungululwilo vikwavo, ngwavo, “Yopa, ove watela kwitavila nge ove uli muka shili, mwomwo Kalunga keshi kuhasa kukuzangamisa ngana kuvanga ove umuka shili.”

⁶⁷ Oloze Yopa ngwenyi, “Nguna netavila lyehi. Ngunahane lyenyi mulambu wakwocha kumeso a Kalunga, kaha yami kangweshi muka shili ko.” Ikiye atachikijile oho ikiye emanyinyine. Kahajino vyuma vyosena vyayile ngocho, kuya kaha na kuya kaha na kuya kaha, kuya chikuma nge omu chahashile, kusweka kushikumwisa Yopa, na kuneha Yopa haseteko ize kachi ikiye akane Kalunga na kukana mulambu wakwocha. Ize vene munyutu ove nauzata hali kala chuma chize ove mwitavila, chize nachisolola kuzeya chove, kukakasana chove Kalunga. Ove nauhula Kalunga ha kala chuma, na kutambuka na kujinguluka nakukakasana echi, kahajino ove uli muka kukakasana kaha kaweshi umukakufwelela ko.

⁶⁸ Yopa atachikijile oho ikiye emanyine, kaha ikiye emanyine na kuzama hali chize chikuku.

⁶⁹ Shikangoho uze Perronet ngwenyi, muola jenyi ja kufwa:

Hali Kulishitu, Lilolwa lya kukola,
ngunemana;
Ha mavu eka osena uli usekulula
wakujiminyina.

⁷⁰ Hali lize lilolwa lya kukola lya kwitavila cha Yopa, na puwenyi ivene wakuzanga kumuseza. Omwo kuli kangula chamusezele, kaha mahute apwile mujimba wenyi wosena, kaha ikiye alikulilenga ivene na kwangula likumbi lize ikiye asemukile. Ngwenyi, “Echa numbatuhu likumbi kalyatela nakumunyika ko! Echa kakweji atwame tuhu na ufuku.”

Puwenyi ngwenyi, “Yopa, ove unahutu chikuma. Mwomwo ika ove unahonena kwangula Kalunga kaha ufwenga?”

⁷¹ Ikiye ngwenyi, “Ove uli na kuhanjika nge pwevo wa chileya.” Ikiye apwile wa kukunyuka nge kuli Kalunga, kaha ikiye ali novyo vili nakutondewa. Mamalelo, Nguli nakwiwva kulifukula. Ikiye atachikijile nge na lihumangana na Kalunga novyo atonda, kaha chize chakumishile vyosena. Kalunga apwile na kumweseka lufwelelo lwenyi. Ikiye mwakaya na kweseka na lwove nawa. Ikiye mweseka na lwami nawa.

⁷² Oloze nge tunahumangana ovyo Ikiye atonda, “Pihililenu muthu wosena kaha pwako wa kujimika mu Lijina lya Yesu Kulishitu na chineha kujimangana jishili jenu, kaha ove namuka tambula wana wa Shipilitu Wajila,” luze lunapu lushiko

Lwenyi. “Kuliko umwe mukachi kenu ali na kukola, sanyikenu va kulwane ja liuka. Echa vakiko vamuwavise maji, kaha vamulombebele. Kulomba cha kufwelela na chimulwila uze ali na kukola, kaha Kalunga mwakamuhindula.” Chize chinakumisa vyosena. “Itavila kuhengasa chove, umwe na mukwavo, kaha lilombelenu umwe namukwavo.” Ove una lihumangana na Kalunga novyo ali nakutonda.

⁷³ “Evi vinjikizo na vikatwamanga na vaze vakakufwelela. Mu Lijina Lyami navakatapula va ndemone; vakiko nava kahanjika malimi amahya; kachi navakwata manoka mokomoko kunwa vyuma vya kufwa, vakiko kavyeshi kukavakolesa ko; kachi nge navakanangika mavoko avo hali vakakuviza, vakiko nava kahinduka.” Muze mukiko muchakumina.

⁷⁴ Pwako wakukunyuka nge ikiye Kalunga. Pwako wakunyuka, ngachize mumuchima wove, ngachize wakufwelela nge lili Lizu lya Kalunga. Yopa apwile.

Puwenyi ngwenyi, “Ika ove unahonena kwangula Ikiye na kufwa? Ika, ove uli nakunyowelako lika lwola lwosena.”

⁷⁵ Omwo Satana asaka kwasa chize hali ove. “Ika, ove kaweshi kanawako kuhambakana omwo ove wapwile shimbu kanda kuwavisa. Ove kaweshi kanawako kuhambakana omwo ove wapwile shimbu haze vaka kwambulula vakulombebele. Vaze vaka kwambulula kaveshi va kwoloka ko, chatete.” Kacheshi chakulizakamina hali uze muka kwambulula. Echi chili lufwelelo lwove muli Kalunga wakuyoya, chikiko chili nakutondewa. Keshi nge uze muka kwambulula ikiyeya; chili shina omu apwa Kalunga. Uze muka kwambulula keshi ikiye ahanyine lushiko ko; Kalunga ikiye ahanyine lushiko. Kacheshi cha muka kwambulula ko; chili kuli Kalunga, na lufwelelo lwove kufwelela ngana ngana nge ikiye Kalunga. Shikaho pwako wakukunyuka nge ikiye Kalunga. Pwako wakukunyuka ngana nge ali Kalunga, kaha nge lili Lizu lya Kalunga. Kaha Kalunga ali mu Lizu Lyenyi.

⁷⁶ Kaha Yopa ngwenyi, “Ove uli nakuhanjika nge pwevo wa chileya.” Ngwenyi, “Uze Mwata ahanyine, kaha uze Mwata nambate cheka; kukisula chipwenga ku Lijina lya Mwata.” Ikiye apwile wakukunyuka ngana nge kwatwama Kalunga.

⁷⁷ Kaha omwo ikiye afumishile chize mukanwa kenyi, mikalateta ya putukile kukumbwoka na ize miveso yaputukile vesa. Kalunga ejile haze vene. Chize lwola lwosena cheji kumusanyikanga Ikiye haze vene. Ikiye eji kutwamanga wakuhola lwola lwalusuku.

⁷⁸ Muze mukiko ali Ikiye na kulinga. Tala hali ou mukuta wava kakukashiwa kuhetese vamu America, vaka kulyonga vaka kuya ku liuka. Yami kangwapihilileko. Oloze shili yeji kuneha kupihilila kuli kala muthu uze ali wakwoloka na Kalunga. Kangweshi wa kupihilila na lifuchi, keshi wa kupihilila na

vathu, oloze Yami ngunapihilila na liyavola ou nalingisa vyuma vyosena evi nakuneha upuputa hali vathu.

⁷⁹ Ava tufunga na vaka kwambulula va upuputa kuvalingisa vakiko kutambula vyuma vimwe vya kufwana vya vindende kutanga cha vyuma vya kufuma kuli vathu. Ove watela kusemuka cheka chachihya. Kaha Kalunga alama Lizu Lyenyi. Kumumona omu ali ikiye na kuvahana vakiko kunoka. Chamwaza pwako wakukunyuka nge kuli Kalunga. “Kupwa na kufwana kumukomoka kalunga, kaha kukana jize Ngolo jacho.”

⁸⁰ Ou wakuhutwa, pwevo wamundende, ikiye atachikijile nge Ikiye apwile Kalunga. Haze muze mumbango yenyi mwa shikumukile, kushikumuka, kushikumuka, kushikumuka, maukalu kupwa na kutwalilaho na kutwalilaho, lwola lwosena. Oloze Kalunga apwile na kwechela chize chiyenga ngana vene muli ize jila. Ikiye azanga kulinga vene muze. Ikiye azanga kuhaka lufwelelo lwovo ha cheseko, kumona omu naulinga hali echi, echa ove kupwa wakuwavisa na kukulombelela, kahajino kukulingisa ove kuya mweka. Ngwenyi, “Twaya jino, Satana, muhake mucheseko. Ngunatachikiza ikiye angufwelela Yami.” Vamukisule Kalunga haya myaka! Mamalelo, yami! [Ndumbu walunga Branham kusakwilila mavoko enyi kapapa kavali—Muka.] “Muhake mucheseko jino. Ngunejiva ikiye ambachile Lizu lyami halyechi.” Nahase Ikiye kuhanjika echi hali ove?

⁸¹ Ikiye ahanjikele hali Yopa. Ngwenyi, “Linga kala chuma kuli ikiye ovyo unatondo, oloze kanda kumbata chinyoyelo chenyi, mwomwo Ngunejiva ikiye anguzanga Yami. Ikiye nahane lyehi mulambu wakwocha. Ikiye nahetesa lyehi vinatondewa. Ikiye alingile ovyo Ngwamulwekele kulinga, kaha ikiye achifwelela chize. Jino mwalange ikiye hamakala akakahya nge unatondo.” Ikiye amumbachile vyosena nakuvifumisa kuli ikiye. Kalunga avivulishile kapapa kavali omwo Ikiye amuhanyine vyo cheka. Punduvene, Ikiye mwachilinga.

⁸² Ikiye eji kuhaka lufwelelo lwetu mu cheseko, kumona kachi nge vene una fwelela ngana nge Ikiye apwa Kalunga.

⁸³ Uze pwevo wamundende, kukakasana chiku, ngwenyi, “Ngwalombanga. Ngwalombanga. Ngunejiva Yami Mukamafuchi eka na eka wa kuzeneka kutela.”

⁸⁴ Anuka, Yesu ahanjikile hali ikiye mu Mbimbiliya. Ikiye ngwenyi, “Kakwapwile vatuliwe vavuluko muze mumakumbi a Elija ko? Oloze ikiye vamutumine kuli umwe, kaha ikiye apwile Mukamafuchi eka na eka.”

⁸⁵ “Mamalelo,” ikiye ngwenyi, “Ngwalombo.” Pamo, omwo amwene ikiye kaze kachindanda kakandende, nge kufwa chinengila kuwingililo na kwiza muchikolo. Kusuma kamwe kaha, kachihanda, kaha na ikiye na mwananenyi hikufwa. Ngunakumumona ikiye, ufuku wosena, kulomba, ize peho izuma kuhuhwa, kaha hamavu haumu, kaha vathu vapwile na kulila

na kutambakana mu jijila. Ikiye atambukileko na kujinguluka, kuhita muzuvo. Ikiye atalile hali kanyike walunga wamundende. Kutala hamulukwe wenyi waundende wakusavala nawo; wosena wakumine, mahinji enyi kulovoka. Kutala hamavoko enyi lyavene, mikonya. Ikiye atambukile kuya muze na kukinduluka, oloze ikiye ngwenyi, “Ngunatachikiza ngana Ikiye Kalunga. Ngwalitavilanga lyehi vyami vyosena. Ngunalingi vyosena Ikiye atondanga. Yami nguli nakulomba chiyoyelo chetu, ha upahu wenyi.” Kalunga amumwene ikiye.

⁸⁶ Vosena vayilenga nakulovoka na kupwa nakukina chachinene kumwe, kulilambisa vavene, kupwa na chisaji cha miwimbimbi chakutona chakusolwesa mokomoko chumachimwe, kutwalilaho nakaye. Oloze uze pwevo apwile ukawenyi na Kalunga.

⁸⁷ Omwo likumbi lya lovokele. Ikiye ngwenyi, “Uze kanyike wamundende nalili ufuku wosena kutonda chuma chimwe cha kulya. Chuma muka Nangulinga na mukamo wa unga waundende?”

⁸⁸ Munejiva, uze unga apwile Kulishitu. Kala mukakulinangula Mbimbiliya atachikiza nge Kulishitu apwile Unga wa mulambu. Kaha uze unga wa mulambu watelele kuujika na chuma chakuvambuka, nawa, palanga nomu nayivatula chihanda chosena cha linona mwomumwe; mwomwo Yesu Kulishitu ikiye youmwe, zau, lelo, na haya myaka. Kaha mukakufwelela wosena afwelela chize kaha anokela hali echi. Heleluya! Ove unahase kupwa na vyove vya myaka, kulifukula chasalusalu ove uli nakutonda. Oloze yami, Ngwafwelela Kulishitu ali youmwe zau, lelo, na haya myaka. Ngunemika kwimana chami muli kano kaye kava kakuzeneka kufwelela. Ngwafwelela lika ngana nge Ikiye ali youmwe zau, lelo, na haya myaka.

⁸⁹ Vize vya kuvambuka vyeji kuvatula twosena chochimwe, mwomwo Ikiye ali youmwe. Ikiye ali Kalunga youmwe uze Ikiye apwile vene, Ikiye ali hano vene jino, chimene chino. Ikiye mwakapwanga lwola lwosena youmwe. Muze mukiko cha lumbunukila uze unga kupwa.

⁹⁰ Kaha aze maji kulumbununa Shipilitu, nge omu twatachikiza kutesa na Ezekele 4, na vya ngocho. Ou ukiko mulonga tweji kuwavisanga na maji; eyili Shipilitu. Chuma muka echi? Nge Mukakujila Yowano 4, “Uze Tata atonda vangachize kulifukula kuli Ikiye muli Shipilitu na mu Muchano.” Yesu apwile Muchano. Ikiye apwile Unga wa mulambu, kaha awa maji apwile Shipilitu. Kaha ize Shipilitu, kulifutula na Muchano, yatela kuneha chuma chimwe. Kuhaka hamwe, kutunga chindanda. Mamalelo!

⁹¹ Lufwelelo lwove luli kulih? Omwo Lizu lya Kalunga nge nava lya mbulula mukulikehesa Chacho, chipwetuhu mu Ngolo

Jacho, ngana nge Yesu Kulishitu ali youmwe zau, lelo, na haya myaka, kaha Lizu naliya na kupwa Unga, ove uli na Maji akufutula Nacho. Unahase kupwa na twatundende twa mulivoko, mokomoko twaha mbonde, oloze, kala omu tuli, tunapu twamuchano.

⁹² Jino ukiko unapwila ika wakulizanga? Uli wakulizanga mwomwo ya kulusu. Uli wakulizanga mwomwo ya kulihana cha kulisakwila. Chize chikiko watela ove kulinga. Kachi Lizu vana lyambulula, kaha ove ukwechi Shipilitu na Uli futula hamwe, chili kulihana cha kulisakwila kukana kukola chosena, kukana misongo yosena, kukana vyosena vize vya kulimbalaka na Lizu lya Kalunga, kaha na kwimana hali chikiko.

⁹³ Uze ndotolo mwahanjika *echi, chize*, mokomoko *chikwavo*; chize kacheshi kutunga chihandwa chipwe chimwe ko. Ove imana hali Chikiko, mwomwo Kalunga ahanjika ngocho. Uze Unga wizenga. Ove ukwechi Maji. Ove na Uvifutula hamwe.

⁹⁴ Jino, Nguli nakwivwa lizu. Lili lya lindende hanyima ya kumunyika cha likumbi. Lize lizu lya hanjikile, kaha ngwalyo, “Yako fuma mu lilapa yove kambate tutete tuvali.” Enu mwachitalisanga kanawa, chize Chisoneka ngwacho “tutete tuvali”? Ize kulusu. Ikiye akwechi unga na maji, oloze vatela nakuya nakumusanyika, mangana azate jino; azate nalwo. Omwo enu namuhasa, kuvula cha Unga nacho mokomoko Maji nge omu unasake, oloze mwatela kuzata nacho; kulihana cha kulisakwila.

⁹⁵ Tutete tuvali. Mu lwolwa ya mwaka vakiko vawanyine jila ya mwaza ya kuwika kakahya. Omwo naumbata lutete kaha kulwala ha lutete lukwavo, wika hakachi, ove mukwachisa masongo osena avali. Mukiko ma Indians muveji kuwikanga kakahya kavu. Nguna wemesa echi, lwola lwaluvulu, ufuku wosena. Mbata kaha lukunyi, kaha luli muli *eyi* jila, kaha umwe jila *ize*, kaha twalilaho kushijika haka kahya kali na kuwema.

⁹⁶ Luze lutete lwapwile kulusu. “Tutete tuvali,” ize Mbimbiliya ngwalyo. Lize lizu ngwalyo, “Yako kusali ya lilapa lyove na kumbata tutete tuvali.” Lwola lwolumwe, haze ha pili, kwapwile nawa lizu lya kumbwokele kushikumuka kuli kapolofweto kaha ngwenyi, “Yako mu mbongi. Nge omu ngunahanjika.” Mamalelo, yami! Vosena vavali vononokele. Chuma chimwe chatela kusoloka. Vosena vavali vali na kwononoka.

⁹⁷ Kachi muka kwambulula mwambulula Lizu, kaha muthu uze mwalitambula Lize na kulifwelela Lize na kuzata hali Chize, chumachimwe chatela kusoloka. Kachi ove umuka shili, ove watela kukulwila. Kachi ove uli nakuviza, ove watela kuhinduka, mwomwo Kalunga achishikile echi, kachi etu tuli va kukunyuka nge ikiye Kalunga.

⁹⁸ Kupwa wakukunyuka nge Ikiye Kalunga, Ikiye atela kulama Lizu Lyenyi. Punduvene! Kahajino lushimbi lwapwilenga, “Yako

mu mbongi, mwomwo nguna lweke lyehi pwevo watuliwe.” Kaha chimweno chejile kuli kapolofweto. Ikiye jino himweza, kutambuka. Ikiye katachikijile oku ikiye apwile na kuya; echi kacheshi kutunga chihandwa ko. Ikiye shina kwononoka.

⁹⁹ Ikiye katachikijile tuze tutete na tukapwila na kulihize, oloze kwapwile tutete tuvali mu lilapa yenyi kumwe. Ikiye aputukileko. Ikiye ayile kusali ya lilapa. Ikiye atalile talile, “Mamalelo, ocho kwazumine!” Chize kuteta cha kufuma mu mbongi, miswe vaufuku kwiza kuze, kulinyangilila, kunwa vinyo yavo, kaha na vyangocho. Ikiye atalile mujila. Ikiye kamwenemo chumako. Ikiye awanyine lutete lumwe; chihanda cha kulusu, kulihana cha kulisakwila. Ikiye ambachile chihanda chikwavo, lutete. Kaha omu ambachile luze lutete lwamuchivali . . .

¹⁰⁰ Mamalelo, ocho changa kana chapwileko, kufwa chinasavala kuchikolo. Ikiye na mwanenyi vatelele kulya kachinda ka chindanda na kufwa. Chize chikiko chapwileko kunahu. Kaha lwolalumwe, muzevene mukachi ka chize changa, mukiko etu tweji kwvivilanga lizu.

¹⁰¹ Omwo ikiye ambachile lutete lwa muchivali na kuputuka kukinduluka, kuze kwejle lizu kulovokele kusali yalilapa, ngwenyi, “Ngutondeleko yami meya amandende mumulondo.”

¹⁰² Ikiye alumukile mangana atale, na jitete jivali mulivoko lyenyi, na unga na tumaji twa kufutula hamwe twakulizanga lyenyi. Ikiye ngwenyi ikiye nauwahisa lyehi, wa kufutula kanawa. Chize chikiko, lize Lizu na ize Shipilitu, vyatela kuvifutula kupwa hamwe. Twama ha kulusu ya kulihana cha kulisakwila, kukana chuma chosena chize chakulimbalaka na chuma una lombo ove. Chize chakwoloka. “Ngwaufutulanga, jino Nanguya nakumbata etu tutete.”

Kaha lize lizu ngwalyo, “Ngunehele yami tumeya ngunwenga, mumulondo.”

¹⁰³ Ikiye atalile, amwene muthu nemana, kukundamina ha lilapa yenyi, wa chimboji chachindende, wawevu, wa lyaja, kutala kufumina kusali ya lilapa, na lilambu lya mwaka lya mukoko na lijingilika hali ikiye. Kumutala nge ikiye apwile walikoji kaha muthu wambwende.

¹⁰⁴ Ikiye ngwenyi, “Yami nanguya na kulipangila meya na ikiye.” Meya a Kuyoya, awa ove uli na kuhana kuli kala muthu cha kulisakwila, kulweka kala muthu, kuya kukala chihela. “Chindende kaha, mwane.” Ikiye aputukile kukinduluka kunyima, na jitete mulivoko lyenyi.

¹⁰⁵ Kaha lizu lya kumbwokele cheka, “Keshi kaha ove kulipangila meya oveko, oloze ngunehele yami kachihanda kakandende ka mbolo mulivoko lyove.” Mbolo ya kuyoya; meya a kuyoya! Apwile a kuyoya? Ikiye mwaya na kufwa washi nge aze nawanonga. “Ngunehele yami meya ove na mbolo yove.”

106 Chuma muka etu tunawane hano? Kulinangula muka etu tunawane hali echi? “Tonda ove chatete uze Wangana wa Kalunga, na kwoloka Chenyi; vyuma vikwavo na vakavihakako.”

“Ngunehele yami meya amandende na kachinda ka mbolo.”

107 Kahajino ikiye alumukile, mu milima yenyi. Nguli na kumwivwa ikiye ngwenyi, “Mwane,” chumachimwe nge ngana, “ove unahandunuka kufuma ku malunga vase Ngunamono, na malunga vase Ngwevwa lyehi kuhanjika. Ove unasoloka kupwa wa kuhona kuhumikiza hali ovyo ove uli nakuya nakuhanjika. Oloze Nguli kaha na unga wakutamo, livoko lyambe kaha, na chimbonde chakuzala na maji. Ou ngunawahisa, kaha Nguli na kuya nakuteleka na eji jitete jivali. Kaha Nanguya na kulya, yami na mwanami, kaha hi kufwa. Chikiko kaha Nguli nacho.”

108 Ovyo etu tweji kwivwanga, kahajino, nachishisaho? “Oloze, ngutondele yami kachindanda kakandende, chatete.” Kalunga, chatete. Chipwetuhu kala muthu mwahanjika ika, kala chuma chimwe, kala chijikizo, chipwe chisoloke tuhu milima, mukala echi omu nachipwa, mbata Kalunga, chatete. Lizu Lyenyi, chatete.

109 “Ndotolo ngwenyi Kanngweshi kupwa kanawa ko.” Oloze, Lizu Lyenyi, chatete. “Yami nguli muka shili chikuma. Yami ngulihule. Yami ngumuhuza. Yami chitakwa.”

Lizu lya Kalunga, chatete. “Chipwe shili jove jili jichila chikuma, najikapwa jitoma nge mbundu; yichila ngengu, nayipwa nge mangona amikoko.” Chatete, Kalunga.

110 “Yako, ngunehele chindanda cha chindende, chatete. Vyosena uli navyo, neha kuliyami.” Ove uli wakuzanga kuhana chize kumavoko Eyi?

111 Chiyoyelo chami, mwose muze Ngwapwa. Nguli na myaka ya kusumuka fifite. “Ove uli wa kulizanga, William Branham, kuuhana kuli Yami? Ove uli wa kulizanga, enu vana vavandende, kuhana chiyoyelo chenu kuli Yami? Enu muli va kulizanga? Unahase ove kulinga echi, vathu vakuviza? Enu munahase kungufwelela Yami? Haka Yami chatete.”

112 “Neha kachihanda ka mbolo muli voko lyove, kaha ngutondele meya amandende.” Ikiye atalile hali ikiye. Kwapwile chuma chimwe cha mulwekele nge nge uze lunga natachikiza ocho ikiye ali nakuhanjika.

Kalunga atachikiza Venyi Veya. “Mikoko. . . Mikoko jami vatachikiza Lizu Lyami. Vakiko vatachikiza nge chili Chisoneka mokomoko chiku, nge chili cha kwoloka mokomoko chiku.”

113 Ikiye alumukile, mu kwononoka. Mukiko watela ove kulinga. Kaha omwo ikiye alumukile, mangana ononoke kulinga vize ahanjikile kapolofweto, kahajino kwejile mukalateta kufuma Mwilu, nge muthu wosena evwenga ha kutala. Mwomwo, na

kukeza mukalateta kufuma mu lizu lya kapolofweto, nge muka shili wosena na muka kuviza wosena atela kwivwa, “MUKIKO MWANAMBE MWATA.”

¹¹⁴ Omwo etu tweji kufwilanga kwivwa Echi! Omwo veji kutwamanga mujila yami ya kwendesela miyawu, ngwavo, “Twaya kuchikolo echi. Mwanami wapwevo ali *mukananga*. Kemba yami, yami, na nyowo. Hanjika kaha lizu.” Ove nauhanjika ngachili echi shimbu kanda chipwenga mukanwa kove? Ove watela kuhanjikanga echi ove lyavene. Oloze vakiko vafwila kwivwa muze, “MUKIKO MWANAMBE MWATA.”

¹¹⁵ Chize nachiza, kusali ya chipato, mwomwo ikiye apwile na kwononoka. Kaha ize milima ya hokokele. “MUKIKO MWANAMBE MWATA. Muze mumbango kamweshi kupwa mwamupolongwako, numba tuhu musaji kuma, palanga na kulikumbi lize Mwata Kalunga mwakatuma vula hamavu.” Mamalelo, oyo fweto kana!

¹¹⁶ Ikiye apangile chize chindanda. Ikiye achihanyine kuli uze kapolofweto. Ikiye akindulukile na kupanga ikwavo ya ikiye na mwanenyi. Kaha vakiko valile na kunwa, na vya kulisala, ha mavu.

¹¹⁷ Jize jafumine kulihi? Jejile ngachilihi muze? Kuhichila mu sayisi ngulwekenu yami uze unga wafumine kulihi. Aze maji afumine kulihi? Engilile ngachilihi muze musaji? Ikiye ahingunwinenga osena, chimene hi chimene. Ikiye mumbango ya unga aselengamo mwamupolongwa, chimene hi chimene, kaha mwapwilenga mwamupolongwa. Oloze omwo ikiye akindulukilenga nakumbatamo, muwapwilenga. Wa fuminenga kulihize? Mbata Kalunga ha Lizu Lyenyi. Pwako wakukunyuka nge ikiye Kalunga. Ikiye uze Tengi.

¹¹⁸ Ove pamo unajimbalisa kulikangula chove. Ove pamo unajimbalisa kulikata chove. Mbata Ikiye ha Lizu Lyenyi. Pwako wakukunyuka nge Ikiye Kalunga. Luze lwola lwa milima luli nakusoloka jino, pamo kalweshi kupwa lulava chikuma ko kachi ove naumbata kaha Lizu Lyenyi na kupwa wakukunyuka nge Ikiye Kalunga.

¹¹⁹ Mu Germany, lwolalumwe, Ngwamwene chifwanyisa, kaha lwola lwosena lweji kupwanga nayami. Mukaku kukwita ulombo wa mu German akwichile chize...chifwanyisa chize—chize vavuluka “Livu lya Lifuchi.” Kaha nge ove nauchimono chize, haha suku, echi chili chachikalu kusoloka milima kana ize kanda umone lyehi. Nge mavwi kaha ali hamwe, nge ove uli nakutala hali chikiko kufuma hahasuku. Oloze omu ove naupandama kwakamwihi nechi, na chalumuka. Ali mavava Avangelo kuliveta hamwe, kwimba haleluya kuli Mwata. Shikaho mukiko milima yapwa lwolalumwe. Kachi nge ove nautala hali chikiko, hahasuku, na chisoloka kupwa milima na kwilava. Oloze mbata Kalunga ha Lizu Lyenyi na kupwa wakukunyuka nge

Ikiye Kalunga, nge nautambuka nakupandamako kulichize, ove nauwana nge ali mavava Avangelo kuliveta hamwe.

¹²⁰ Ikiye apwile kupwa nge Apalahama omu apwile, vamusanyikila kumuhana ikiye vyosena apwile navyo, kuhaka hakamenga ka mulambu. Pamo ove vakusanyika kupwa ngachize, chimene chino. Hana jijila jove. Hana kuzeneka kufwelela chove. Hana vyosena ove uli navyo. Kaha jino mbata Maji na Lizu, na kufutula Echi hamwe, na kuhaka Echi ha kamenga wana wakulisakwila. Ove naukawana, Echi nachisanyika Kalunga kusuluka na kwiza, kupwa wakuyunyuka nge Yami ngunema muli kano kamenga.

Shinganyeka hali ocho shimbu etu natulomba.

¹²¹ Ove uli nachuma ulinakutonda lelo? Ove uli na kutonda chachinene kuhambakana ove unahase kutambula mumujimba? Mali ove ali mwishi kuheta nahaseteko yakuhona kufweta ndando ya kusokela zuvo? Nyi vana vali nakutonda jisapato jajihya, kaha ove kaweshi na mali ko ja kuvalanjila vakiko? Nyi mubango muli mwa mupolongwa muzuvo yove, kaha musaji muli na kuma? Ove uli nakuhona kulanda kulya cha utanga wove? Kaha, kuli, chuma chimwe china henge? Anuka, Ikiye ashikile lushiko.

¹²² Ove uli nakuviza, kaha ndotolo ngwenyi ngana ove uli nakutondewa kukupula? Ove kaweshi na jimbongo ko jakulinga echi? Ove ulina kutondewa.

¹²³ Ove uli mukashili? Nyi kutondewa chove chili chachinene, kutachiza kachi nge Kalunga mwaya na kusanyika, lelo, ove mujimbala? Ove uli wakinduluka kunyima na kuchina kuli Kalunga? Kaha ove unejiva nge wapandama kuliuka limwe, oloze unejiva nge ove kaweshi kanawako? Chivezu chove chili nakukulweka, kutesa na Lizu, nge ove kaweshi kanawako. Kaha ove uli nakutondewa. Kanda mwecha awa mazu kuholokela mumingonga, mokomoko ha malwola, michima ya malolwa. Echa aholokele ha mavu, amwaza awilo.

¹²⁴ Kachi ove unaviji kaha ove . . . uze ndotolo ngwenyi kaweshi kuya na kupwa kanawako, kaha ove mushike Kalunga ngana nge ove na umuzachila Ikiye makumbi osena akuyoya chove, kaha ove naupwa wakukunyuka ngana nge Ikiye Kalunga, twaya uhete kutonda Chenyi. Kachi ove uli nakutondewa, nauya ove chatete nakulinga nganomu unakatula livoko lyove kuli Kalunga, nge ove uli nakutondewa chumachimwe? Kalunga amikisule.

Echenu tulombe.

¹²⁵ Ove Mwata, kupwa nge wakukunyuka nge omu Yami mukamenga chimene chino, Ngunejiva nge kakweshi numba umwe hali awa mavoko anazunduka helu chakuzenenka Ove kutachikiza echi, mwomwo Ove uli Kalunga. Ove ngwove, “Keshi tupyasa vavavulu veji kuvalanjisa na penyi jivali ko?”

Ngachilihi enu kuhambakana ava tupyasa!” Ngachilihi mavoko awa Ove kumona mavoko awa mavoko avathu, muli ava afwilile Mwana Nove Yesu! Ngachilihi omwo Ove kumona mavoko avo kuhambakana vaze tupyasa, kachi echi kuholoka echi chimene! Ngwashinganyeka . . . lizavu lya tupyasa kulanjisa hali penyi echi chimene, ’mwomwo naumwe avazanga vakiko wauchi. Vakiko navapwa muukalu vakiko kuvafunda. Oloze Ove unatachikiza muthu wosena muli vakiko; Ove unatachikiza lingona lyose mumijimba yavo. Ove unatachikiza lukambu lwosena luli ha mutwe wetu.

¹²⁶ Ove Mwata, kumbulula kulomba. Echa vakiko vapwe vakukunyuka, chimene echi, nge Ove u Kalunga, kaha Ili Shipilitu Yove. Echa kuhona kutachikiza na upuputa wa kutona cha kulifukula cha likumbi lino chiholoke kufuma hali vakiko, vahanjike, “Mamalelo, Ngwapandama kuliuka limwe *lya* munganji.” Kalunga, echa chize chijimbangane kufuma muvishinganyeka vyavo, hano jino. Muli ino tando imwe, echa vakwate chimweso cha Kuyoya Chahaya myaka. Kaha jino vakiko vatondende na kupwa na zala hali echi, vatachikize Kalunga hiya, kaha vakiko vali va kukunyuka nge Ikiye vene. Ikiye alama Lizu Lyenyi.

¹²⁷ Kuli mukashili, echa valumuke nakupihilila washiwashi, vapwe vakulizanga na kuvajimika mu Lijina lya Yesu Kulishitu. Kaha Ove washikile Ove kuvahana vakiko uze Shipilitu Wajila. Ove wahanjikile echi, Mwata. Ove weji kulama lushiko Lwove.

¹²⁸ Kuli mukakukinduluka kunyima uze ali wakukunyuka nge Ove u Kalunga, kaha vakiko vana pyapumuka. Echa vakiko veze lelo, mwomwo Ove ngwove, “Chipwe shili jenu jichila chikuma, Jikiko najikapwa jitoma nge mbundu. Jichila ngengu, najikapwa jitoma nge mangona amikoko.”

¹²⁹ Kaha kachi kulivaze vali nakuviza, echa vatachikize nge Ove u Kalunga. Ove walama Lizu Lyove. Ove watela kulama Lizu Lyove. Ngeomu vali nakulihana vavene, na Maji avo, ize shipilitu ili muli vakiko ize ili nakwitava nge vanetavila. Kaha jino, nawa, na Lizu, ize Mbolo ya Kuyoya ize yinayi kulutwe, Kulishitu; kujikiza muli vakiko, mu Tesitamende ya Mwaka; na mu Tesitamende ya Yihya, kusolola nge Ikiye ali yowmwe zau, lelo, na haya myaka. Echa vakiko vafutule Lizu na Maji, Shipilitu, nge vakiko vakwechi, jinonyi vanemana kumahiji avo ku kamenga, kuhanjika, “Echi chosena Nguchikwechi, Mwata. Ngwachinehe echi.”

Mamalelo, omu Ove nauya nakuvulisa! Omu echi na chisanyika Kalunga wa kushikulu haze vene! Omu nachilingisa Yehova kukatuka, na muchima wakujimba, nge, “Ngukwechi mwana uze angwononoka Yami. Ngunamuhake ikiye kumuhichisa mucheseke, kaha ikiye nenjikiza nge ikiye anguzanga Yami kaha ikiye angufwelela Yami. Ikiye ali

wakukunyuka nge Yami vene.” Mwomwo vachihanjika ngwavo, “Wose mweza kuli Kalunga atela kufwelela nge Ikiye vene, kaha mukakufweta vaze veji kutonda tondanga Ikiye.” Tuhane echi, elu lwola, nge omu etu twalihane kuli Ove.

¹³⁰ Kaha, jino, shimbu tuli na mitwe yetu yaku nongama. Kaha na vaze vali nakutonda chuma chimwe, munahase kwimana hamahinji enu, vaze vatondo kuhaka. . . Jino, kachi enu kamweshi va kukunyuka nge Ikiye Kalunga. . . Kachi enu muli vakukunyuka nge Ikiye Kalunga, mwaya na kulama lushiko Lwenyi, ulwilo, kuka, kala chuma, kachi ove uli wakukunyuka nge Ikiye Kalunga, imana hamahinji ove. Kachi uli na muthu umwe ove ulinakutonda kumulombelela, imana kumahinji ove. Kachi ove uli—kachi ove uli wakukunyuka nge Ikiye Kalunga, jimbula kusaka chove mulizavu lya vakakujila. Ove uchilinge shimbu unemana kuma. . . [Hatepu ha pimbi—Muka.]

“Nguli wakunyuka nge Ikiye Kalunga. Ngwafwelela nge Ikiye alama Lizu Lyenyi. Kaha Ngwakunyuka ngana kusaka chami. . . Nguli nakuchihana mwishi ya Manyinga, hano vene.” Kachi ove naulinga chize, tala shili yosena, yosena. . . Shili ya kuzeneka kufwelela. Ove unahase kupwa membala wa muliuka, oloze Yami ngunakwamba shili, chove cha “kuzeneka kufwelela.” Ove uli nakuhana nge mulambu. Ove nauya na kulambula echi. Ove uli na kuya kukulusu. Ove nauya na kulambula, jino, kuzeneka kufwelela chove. Kaha hana echi kuli Ikiye, kaha tachikiza nge Ikiye vene, kaha ove uli wakukunyuka nge Ikiye mwaya na kukumbulula. Kachi ove uli wa chize, katula livoko lyove. Imanenu vene ngocho.

¹³¹ Mwata, Ove u Kalunga. Hano jino Maji avo na Linona, kuvifutula hamwe. Vakiko vananehe Echi kukulusu, kuze kuli Kakahya ka Kalunga nakaholoka mukachi ka michima yavo (kachi mukiko vanalumbununa muze) na kulya chize chilumbilo. Ove nauya hali chize, kukatula meya a kuswama. Kwiza kufuma Mwilu, mu litemba lya Kakahya. Ove muya na kunyikisa melu na mavu, na kuvafweta vakiko.

¹³² Nge omu vanemana na mavoko avo mupeho, kwinjikiza nge vakiko vana fwelela, kaha vanalihane vavene, na kusaka chosena chize valinacho, haze vene hakamenga Kove. Ove Kalunga wa Mwilu na mavu, Mukakusopesa Melu na mavu, punduvene Mukakusopesa Melu na mavu mwakakujika kwaloka. Punduvene Ikiye mwakalama Lizu Lyenyi, Ove Yove watachikiza michima ya vathu, michima ya mapwevo, michima ya vathu vosena ava.

¹³³ Mwata Kalunga, Ngunahake mavoko ami helu, mwomwo Ngunatachikiza nge mulimo Wami unalumuka jino. Kaha Ngwafwelela ngana nge Ove yovevene. Ngunakumono ove unemana muze mu Panda ya Kakahya. [Ndumbu walunga Branham kuveta hakamenga kapapa katatu—Muka.]

Ngunakumono Ove kutala kuswama cha michima ya vathu. Kakweshi lwola lumwe Ove wahona. Ove washikile echi omwo Ove omu wayile, kusali ya jila hano, omwo Ove waputukile kulinga vyuma evi. Kaha ove wangukingile yami kukaye kosena, na kujinguluka na kujinguluka. Yami ngunakuyuka Ove u Kalunga. Yami ngwakunyuka hali chize.

¹³⁴ Nguli nakulihana ami lyavene na vathu ava, na mulambu wosena ou Nguli nawo, Mwata, kuli Ove, ku kuzachila. Yami ngunaputuka cheka, Mwata, kutambuka na kujinguluka kaye. Ngukafwe yami, Ove Kalunga. Kachi Ngunakuhono kufwelela Ove ha kala lwola, ngukonekele yami shili jami. Ngukonekele yami kuzeneka kufwelela chami. Ngunatachikiza ngana Ove yovevene, kaha mukakufweta vaze va kakuku sakasaka Ove.

¹³⁵ Chochimwe, Ngunetavila jishili ja vathu jami, chimene chino, kuzeya chavo na kukakasana chavo, shimbu vakiko vanemana na mavoko avo mu peho. Ngunetavila jishili javo, Mwata, na kuhehela chavo chosena. Tuma Shipilitu Wajila hali etu, kupwa katachikijilo Kove kakwinjikiza, nge Ove u Kalunga. Kaha Ove uli hano kututambula etu, kaha kutumbata etu mumavoko Ove, na kutusokola etu vyuma vyosena etu tunajimbalisa. Kachi echi chili kulikangula, echa utungulule likulukaji. Kachi echi chili mumono yetu, echa echi kwiza kuli etu nge mukuwaha, chuma cha kumunyika, kuzala na Shipilitu Wajila, kupwa kwimanyinako kumeso a Kalunga. Kachi echi chili kuzeneka kufwelela, echa echi chizenga cheka kuli etu, Mwata, na kufwelela cha kututula jipili. Tuhanecho echi, Mwata.

¹³⁶ Etu twafwelela ngana Ove uli na kutambuka, Shipilitu Wajila kuzalilila mukachi kayino zuvo, hali ava vathu, kaha mukachi ka michima yavo, kutambuka muli vakiko na kwitavila Kalunga wa kuyoya. Omu etu mukiko natulinga mu Lijina lya Yesu Kulishitu.

Lufwelelo lwami lwatale kuli Ove,
Ove Mukoko wa Kukavali,
Mulwilo wa Ukalunga;
Jino ngwivwulile yami shimbu na Ngulomba,
Mbata na kufumisa jishili jami josena,
Nge chiku yami na nguhungumuka
Kufuma kusali Yove.

¹³⁷ Enu mukiko munachilumbununa echi? Enu mwatambula echi? Katula livoko lyove, hanjika, “Ngunatambula jino echi. Ngwafwelela Ikiye.”

Shimbu chiyoyelo chili mumilima omu
Ngunemena,
Kaha kunyengetela yami chinangujingilika
yami,

Pwako Ove twamina Yami;
 Kasa milima kupwa musana,
 Hunda woma wa ushona,
 Nge chiku yami na nguhungumuka
 Kufuma kusali Yove.

Echa etu tunongame mitwe yetu.

¹³⁸ Hanyima ya kukaluhwa echi, Mujimbu waukalu wakuwatula; wamanya, kaha wakuneha mujila ya yikalu, oloze uli Muchano. Kaha kachi ove unalikehesa mukufwelela ocho unalombo, nge unatambula, kanda kwecha chuma chimwe kukushijika kukufumisa mujila ya kwoloka. Imana haze vene. Chipwetuhu Yami na ngutangisa ngachilihi, kala chuma na Ngulinga, mokomoko kala muthu mwahasa kulinga, echi kacheshi kuneha chumako palanga ove nauchitavila nge chuma chove.

¹³⁹ Kachi ove naufwelela na muchima wove wosena, na vyosena vize ove unafwila, kachi ove unetavila jishili jove, Kalunga na kukonekela ove. Kanda ove kuchikakasana echi chekako. Kachi ove umuka kukinduluka hanyima, ove vanakutwale hanyima, chimene echi. Kachi unatondo Shipilitu Wajila, kahajino pwako wakujimika mu Lijina Iya Yesu Kulishitu kuneha kujimbangana shili jove. Likiko Lizu Iya Kalunga. Ikiye keshi kachihanjika Echi hakuzeneka liuka, keshi chikungulwilo, mokomoko kala muthu. Echi chatela kupwa muli ize jila. Etu twatela kuhetesa vyuma Ikiye alina kutonda, keshi kutonda cha liuka, kutonda chenyi. Chize chikiko etu twatela kulinga.

¹⁴⁰ Ikiye ngwenyi, “Kulomba cha kufwelela na chikalwila uze naviji.” Kachi ove unaviji, Ngulinakulomba kulomba cha kufwelela hali ove. Ove walombanganga mukachi kamuchima wove. Kaha chifwelele echi, chitavile echi, imana mbe hali echi. Echi chatela kupwa muli eyi jila. Kakweshi cheka chinahase kumbata echi, chipwetuhu na kusoloka milima.

¹⁴¹ Ove ngwavo, “Chamwaza, nachisoloka nge Yami nguchili na kuviza.” Chize kacheshi...Chili kaha Vangelo’ mavava ali hamwe. Mukiko vene. Chili Kalunga mu chifwanyisa cha kisu. Echi chinasoloka milima kuli enu. Pandama hakamwihi chindende kuli echi na kutala hali echi cheka, umone nge keshi Kalunga ko kwimana haze, kulama Lizu Lyenyi.

¹⁴² Jino nge omu tuli na mitwe yetu ya kunongama, Yami nanguya nakuhana kutanga kuli Ndumbu wa lunga Neville, kafunga ketu.



PWAKO WAKUKUNYUKA NGE IKIYE KALUNGA LVE59-0125

(Be Certain Of God)

Ou Mujimbu kufuma kuli Ndumbu wa lunga William Marrion Branham, vawambulwile hakuputuka mu Ingilishi ha Chalumingo na chimene, mu Chizeji ha 25, 1959, mu Mbalaka ya Branham mu Jeffersonville, Indiana, U.S.A., vanaufumisa mu muzu vakopele ha tepu na kuusoneka mu Ingilishi chakuzeneka kuwalumuna. Echi kwalumuna Lilimi vachinungulwile vausonekele na kuupangila kuli vaka Kukopa cha Lizu Lya Kalunga.

LUVALE

©2019 VGR, ALL RIGHTS RESERVED

VOICE OF GOD RECORDINGS

P.O. BOX 950, JEFFERSONVILLE, INDIANA 47131 U.S.A.

www.branham.org

Tachikizenu lisesa lyakufwatula

Kulama lisesa lya kufwatula. Ou mukanda vanahase kuufwatula kumakina akuvulisa a hembo kupwa wakuzachisa kuli muthu hakapanji kenyi mokomoko kuhana kweka, wa wana wakanyombo, kupwa chitwa chakutanjisa Mujimbu wamwaza wa Yesu Kulishitu. Ou mukanda kavatela kuulanjisako, chipwe kuyitunga yayivulu chikuma, chipwe kuyihaka ha peho ha website, kuyitulika muze vanahase kuyifumisa, kulumbununa mu malimi eka, mokomoko kuuzachisa kupwa jila yakutambwilamo mali chakuzeneka lisesa lya kusoneka kufuma kuli vaka Voice Of God Recordings®.

Mwatondo kutachikiza vyavivulu mokomoko vyuma vikwavo, kaha sonekelenu ku:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org